

## P

Newspapers

Menu ▾ 'āA

## Ka Loea Kalaiaina, Volume III, Number 52, 13 January 1900 — He Moololo nona Wahi Pana o EWA [ARTICLE]

[Back](#)

He Moololo nona  
**Wahi Pana**  
 — 0 —  
**EWA**  
 — I —  
**Huna Keleloaia**  
 me ka nalowale loa  
 — A —  
 ~~~~~HIKI OLE KE IKEIA~~~~~

Aia no i keia aina kekahi puu kaulana o Puuokapolei, i keia wahi i noho ai o Kamaluaniho me kana moopuna me Kekeleaiku, kaikuaana o Kamapuaa.

Mahope iho o ko lakou haa lele ana ia Kaliuwaa Kaluanui Koolauloa. Aole nae au e kamailio ana no lakou, aia a mahope aku. E kamailio iki ae hoi au no ka Puuokapolei.

Ina e hele ana kamahela ma ke alanui aupuni no Waianae, aia a haalele ia Honolulu ke kulanakauhale o ke Gula; e loa mua mai ana ia ia ke kula o Puuainako, a hala ia, hele mai o Keoneae,

alaila, pii aku oo i ka piina o  
 ka Puuokapolei, a ilaila, ha-  
 liu ae oe a nana makai o ke  
 alanui aupuni e ku ana ua  
 wahi puu ala ia, oia hoi o  
 Puuokapolei, na keia wahi  
 puu i alai ia Ewa, ke huli aku  
 hoi oe ma kela aoao o Wai-  
 manalo pau kou ike ana ia  
 hope nei, hele aku he mau  
 hoalu liilii a holo aku oe he  
 kula; o keia kula, oia ke kula  
 o Pukaua, aia mauka o ke  
 alanui e ike ai oe he pohaku  
 nui e ku ana i ke kula, no ia  
 pohaku ka moololo i kaulana  
 ai keia kula. Eia kabi moolo-  
 lolo i kaulana ai kela kula,

He mau wahi luahine ku-  
 pua, a i ole ia, he mau lua-  
 hine hooehaa, a he mau wahi  
 luahine hahapaiea paha, no  
 laua o Puukaua; ia laua i kai  
 o Kualakai i ka lawaia i ke  
 ahiahi, i kai no laua a i ka  
 lawaia a wanao hoi mai. eia  
 ka laua man wahi i'a. he  
 Aama ua i'a, he Pipipi ua i'a  
 a me na ano i'a like ole apau  
 e loa aku ana i ko laua nei  
 mau lima. Ia laua nei e hoi  
 ana i ke kula mai kahakai  
 mai, me ko laua manao ana  
 la e hiki poeleele aku ana la  
 laua i kauhale. aole nae pela.  
 Ua halawai laua me ka maka  
 paa. oia i, laua e hookokoko  
 aku ana i ua kula ala, na  
 malamalama loa ae la, a ua  
 hiki ke ike ia aku na kanaka  
 ke hele ae, a eia no nae laua

noi ma kai o ke alanui e hoi  
 noi, a no ko laua nei makau  
 o ike ia laua o na kanaka.

Ia wa ua hoomaka mai la laua e holo, oia holo ko laua nei, oia lele, a hina a palaha, eia no nae, ala no holo no, a helelci aku la ka Aama a me ka limu, aohe nae he nana ia iho. aia ka pono o ke kaa aku mauka o ke alanui; eia nae tu pale pono, oiai, ua ao loa ae la. I kela wa olelo aku la kahi luahine i kahi luahine o laua:

“E pee kaa, o ike ia mai auanei kaa e na kanaka?” a o ko laua nei pee iho la no ia. Lilo koke ae la ko laua kino i kino pohaku. A oia ke kaulana o keia kula i keia kino pohaku a hiki loa mai i keia wa.

O keia ka pau ana o ko laua moololo hoeu nuha, o ke kaahele malihini ana a hiki ia kula, aole no he hewa ke alawa ae mauka o ke alanui i ike ia laua i ke ku mai i ke kula.

E nee mai kakou i Puuokapolei. O keia puu kekahi puu kaulana loa i ka wa kahiko. Mai keia puu mai i haku ia ai kekahi mele i kamanina i ka poe lealea o ka wa kahiko, ua haku ia apuni Oahu nei, a ma ia mele e oli ai ka poe Pukaula a me ka poe Ukeke laau, ka poe kimo pohaku, hua Noni, hua kukui paha.

Ua helu ia ka inoa o keia mele ma ka inoa o ka aina, a oia ka'u e panee aku nei imua o ka poe aole i loa a paa naau i neia mele. E like me na mele kahiko i loa ole i kekahi poe, a loa hoi kahi i kekahi poe:

E Kawelo e e Kawelo--e

E Kawelo Mainui o Puuokapolei

O Puuokapolei—

Uhuli ka Poi a kua- e  
 Ai nei -- o Honouliuli  
 Aene ono-- ka Paakai e Hoaeae  
 O Hoaeae—  
 Pikele-Pikele ka i'a-e Waikele  
 O Waikele  
 Ka Hale pio i ka hua moa  
 O Waipio  
 E kuu a si kua i ka Ikoawa  
 O Waiawa  
 Mai hoomanana ia kua  
 O Manana  
 Kini kahawai he lau he mēno  
 O Waimano  
 Ko ia kua e ke au  
 O Waiau  
 Kukui malumalu o kaaua  
 U Waimalu  
 E ala Kua ua ao  
 O Kalauao  
 E kōn kua e ai  
 O Aiea,  
 Mai hao halawa ia kua  
 O Halawa  
 E hoi kua e noho i ka lua  
 O Moanalua  
 Hooipoipo hau kua  
 O Kahauiki  
 E pii kua i ka lama  
 O Kapalama  
 E nunu a haaue kua  
 O Honolulu  
 Kiki kuoha iJaila  
 O Waikiki  
 Kiko ka hua a kaalae

O Waiālae  
 He wahine hoolupe keia  
 O Wailupe  
 Mauna kuu hoa i ka lua  
 O Maunalua  
 He wahine heekoko keia  
 O Koko  
 Pua ka lau o ka Niu  
 O Niu  
 Pauma na waa i ke kai  
 O Hanauma  
 He wahine Makapuu keia  
 O Makapuu  
 E na hoa e kala mai oukou  
 ia'u. O keia ae la kahi i  
 na ia'u o keia mele a he

mea nui no hoi i na hanauna  
hou, ka loaa ole ana o na  
mea kahiko.

E kala mai hoi ka poe i  
loaa keia mele ia lakou, oiai,  
ua pololei paha keia, aole  
paha, e oluolu ka poe i paa-  
naau keia mele, ina he poe  
kekahi i paanaau e hoike  
mai.

E waiho kakou ina wahi  
pane o Honoaliuli i koe aku  
a hiki i ka kupo.

E nee mai ana kakou i  
Hoeae, aia ilaila o Waihi a  
aia no ma ia wahi i ka huli e  
nana iho ana i ke alahao he  
wahi Owawa, ua pili loa i ke  
alahao. Oia kahi i make ai  
o ka Moi Oahu nei, oia o  
Kahahana.

Ua olelo ia o Kahahana he  
keiki hookama na Kahokili,  
ke alii o Maui, a i ole he  
keiki no paha na Kahokili. O  
ka nohoalii ana o Kahahana  
he nohoalii ino, he hookuli, a  
hoopale i na olelo ao a ke  
kahuna, na kakaolelo, ame  
na kuhikuhi puuone.

Ua olelo ia ma kekahi  
moololo kahiko, na Kahokili  
no i hoonoho mai iaia i alii  
no Oahu nei, o Kaopulupulu  
ke kahuna, a me kana keiki,  
Eia kahi moololo uuku i loaa  
ia'u e pili ana ia Kahahana a  
me kona make ana. O Ka-  
hahana ke alii Oahu nei ia  
wa, o Kahokili ko Maui, ia  
Kahahana e nohoalii ana no  
Oahu nei, ua a'o aku nei na  
kahuna a Kahokili iaia. E  
ke alii e— e huli mai oe a  
hoolohe i keia olelo a'o a'u  
ia oe, oiai, ua nohoalii ae la  
ko keiki no Oahu, o pono oe  
e noi aku i wahi no kakou,

ke ae mai ka hoi ko keiki la  
 ea, o ka puni no ka hoi Oahu  
 ia kakou.

Eia ka pane a ke alii:  
 "Pehea?"

A penei: E noi aku oe i  
 ke keiki e ae mai oia no ka-  
 kou mai ka Lae o Makapuu  
 a ka Lae o Kualoa.

Heaha ka waiwai o kona  
 wahi? Eia wahi a ke kuhu-  
 na. O Kailua a me Waima-  
 nalo na awa o pae ai o na  
 waa, o ke kula o Alele ke  
 Kulanakauhale Alii, aia hoi i  
 Kualoa ke kai Lumalumai, a  
 me ke awa pae o na waa, aia  
 malaila o pae ai ka Pulaoa,  
 a oia ae la ka waiwai oia  
 wahi.

This article has been automatically clipped from the Ka Loea Kalaiaina 13 January 1900, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).